



名而無其字者有之有其  
祖而缺其父者有之有其  
行狀而并失其支派者有  
之今欲修譜誠為承先裕  
後以至計孝子仁人之用  
心也不甚美者哉余故挽  
叔祖澤公于庚戌秋脩之  
查其無而補其缺因其行

狀而尋其支脉則徐氏之  
源流無不彰明較著矣若  
夫德行之頌貞節之稱才  
能卓越之美譽更足以風  
後世而示將來也則斯譜  
之所係豈淺鮮哉後之來  
裔宜體前人修葺之心以  
爲心庶不終致於湮沒而

弗傳也則幸矣

中坡宗孫克成大

章敬書

崙

雍正歲次庚戌秋月吉日

首領十二世孫

懋 第  
懋 震

樂助十三世孫邦選

協力  
十二世孫懋昇  
十三世孫國瑄

脩葺  
中坡宗孫霖  
邑庠

徐氏後裔排行分列以示

來茲

十五世本

十六世樹

十七世方

十八世可

十九世成

二十世宏

後續行字

日時永昌則篤其慶德

澤綿長東海榮盛

重脩宗譜序  
蓋思物本於天而人本於  
祖此慎終所以必追遠也  
然以追遠言憑之於心尤  
必寓之於目則由數十世  
之後溯數十世之上知某  
世為某公其間某公為遷  
徙某公為創勣或以立德

見或以立功見且或以立  
言見追而慕之有令人想  
像不忘者孰有如宗譜之  
設也且有其譜系則數十  
世之祖燎如拈掌令子姓  
之輩咸知所出即支分派  
衍寄居異地亦不至目為  
途人此固仁孝所用心而



敦本睦族之所由起也祇  
緣始祖矩公侍父宦學每  
聆浙中見風土淳龐播遷  
於浙遂寄居於杭城迨二  
世瑤公至永嘉訪兄越境  
抵瑞以德豐地形棋枰四  
面還河泉流灌溉可稱沃  
壤遂築居焉其後子孫蕃

昌比戶殷富成為一族前  
家乘已詳而載之因代遠  
年湮不免風雨飄搖蟲鼠  
蠹壞其間多有殘而闕者  
至十六世宗叔樹烈暨宗  
兄慶豐慶喜詣余家懇以  
脩葺一事余因共宗係杭  
城舊族支脉相連不敢固

辭遂與諸父昆弟輩逐為  
考核其間載者錄之闕者  
補之未經收入者並挨次  
而登之是不獨前有所承  
亦且後有所繼也自是以  
後文風蔚起科甲聯芳有  
孝子慈孫以亢宗而上念  
先德者亦可為追遠之一